

靈巖山人詩集

靈巖山人詩集目錄

第三十一卷 古今體詩

終南仙館續集

重光赤奮若

重憩華州行館追憶甲午夏五恭逢太夫人于
城外緬想慈徽渺不可再感述三章

華嶽廟落成詩以紀事

與汪七古亭別十年矣春暮入關訪予款留署
齋把酒話舊賦詩贈之

曉起坐春雨樓對終南寫雲山小景

晚春宿終南仙館懷冬友不至

寄陳絙橋

繩祖

觀察蘭州

讀史

猛虎行

有寄二首

寄祝大司馬彭芝庭

啟豐

先生八十壽四首

枕上得句

穀樹一章

環香吟閣憶故山作

七夕詞二首

秋日閒居

八月十五夜翠茗館望月作

更鼓四下寢不成寐念太夫人在時是夕必焚
香拜月與小兒女團圓笑語竟夜不倦追維
往事泣然感述

題雙芍藥圖爲孫淵如秀才作

長安城東南隅有村名月兒高金花落似唐時
南內舊址因公過此各系一詩

月兒高

金花落

紀將軍廟

元默攝提格

上元鐙詞

邀吳企晉王蘭泉嚴冬友錢獻之孫淵如洪穉

存王秋塋

復

小飲靜寄園杏花下

上巳雨後郊行

青門柳枝詞四首

爲洪穉存題機聲鐙影圖

訪唐王右丞輞川別業二十首

有序

孟城坳

華子岡

文杏館

斤竹嶺

鹿柴

木蘭柴

茱萸泚

官槐陌

臨湖亭

南垞

敬湖

柳浪

樂家瀨

金屑泉

白石灘

北垞

竹里館

辛夷隴

漆園

椒園

敬題先太夫人手抄唐詩選後

自題靈巖讀書圖五首

茂陵

礪谿

圓通禪院

馬嵬十首

秋夜枕上口占

寄惠瑤圃齡參贊塔爾巴哈臺三首

題琴心倚梅圖四首

十二月十九日爲東坡先生生辰集同人設祀
於終南仙館賦詩紀事敬題文衡山畫像之
後

經行渭北瞻眺漢唐諸陵寢

賣酒樓

靈巖山人詩集卷三十一

鎮洋畢沅秋帆

一字縠蘅

終南仙館續集

重光赤奮若

重憩華州行館追憶甲午夏五恭迓太夫人于城外
緬想慈徽渺不可再感述三章

郵館安車駐團圞笑語譁高臺曾倚杖愛看翠蓮華嶽色
今依舊慈顏日以遐春陰垂黯黯腸斷夕陽斜

負弩金貂客捎雲熊虎旗謳歌傳衆母節鉞賸孤兒圍鎖
清婁曲花飛少華祠江鄉寒食近夢逐紙錢吹

反哺知無日嘯烏不可聞哀悰鑒明月影事送輕雲存歿

纔彈指兒孫正上墳韶光迷淚眼紅雨落繽紛

華嶽廟落成詩以記事

萬仞蓮華接昊蒼金天灝氣障西方紫雲蓋冠三霄上白
帝源通一氣傍漢代集靈崇展祀虞廷望秩記巡方金函
玉節遺徽遠月殿雲窗奕葉荒

聖代卽今崇辟饗備員于此護封疆一封章奏陳
丹陛億貫金錢賚

玉皇巨礪直思移碣石宏材真欲截扶桑役夫雜遝晨昏
聚暮鼓琤琮遠邇揚轍轍飛檐凌鳥道潭潭突厦互虹梁
雕鏤靈怪栖方栱畫彩簪纓肅兩廊天矯銅龍銜日出
襍鐵鳳入雲翔霞凝仙掌丹房麗洞掩珠簾紫閣香萬丈

玉流飛玉闕千層雲步入雲間神仙三島長生樂左右雙
丸終古忙殿迴早沈千嶂月地高先得九秋霜山川盤鬱
迷秦隴松檜陰森識漢唐突兀穹碑磨嶽麓輝煌金榜麗
仙鄉考工數載崇輪奐會享羣真列豆觴殷薦豈祈身第
祿吉蠲惟祝歲豐穰爲襄盛典窺
天藻珠璧光捎星斗芒

與汪七古亭別十年矣春暮入關訪予款留署齋
把酒話舊賦詩贈之

一見重攜手相看各問年歡情仍自洽離恨已全捐舊雨
榮心曲新霜上鬢邊別來無限意惆悵落花前
曉起坐春雨樓對終南寫雲山小景

愛山學畫山偃仰雲山中山容繪易肖雲容繪難工山靜
而雲動動者變靡窮蒸濡雲爲水鼓盪雲兼風風迴水斷
處以雲爲流通畫雲對雲峯峯峯雲不同粉本卽真境墨
彩絢化工騰身入冥際噓吸通蒼穹一片太古石犖确蟠
心胸荆闕此還丹幻出千芙蓉

晚春宿終南仙館懷冬友不至

春眠悶閣短檠紅料峭寒添紙帳空綠榭花深狐拜月碧
山夢斷鳥呼風琴荒落寞溫三美圍小商量拓十弓只悵
索居吟伴杳江頭日盼雁書通

冬友有春初入關
之約許望未至

寄陳絙橋

絙祖觀察蘭州

夢醒南柯不耐溫隴頭故侶幾人存邊愁秋怯冰蟾滿河

吼宵驅罔象奔佳日五泉頻畫壁空梁雙燕暗銷魂憑君
折盡金城柳總我當年舊淚痕

讀史

可嘆漫天密網攔積薪累卵勢真傾夜蟲赴火緣求熱朝
槿迎曦也向榮戲可嚇人原假面棋雖勝我究空枰人生
悟得南華旨任爾憑虛撒手行

猛虎行

長林翳日悲風怒號有虎白額意氣咆哮大人之變暴客

之豪

一解

鬚森蝟戟捋之卽死掉尾游行磨牙礪齒虎胡不

在山林而在城市

二解

虎不傷人厥偃導之生爲虎食死爲

虎尸食其餘幾何羗殺人以居奇

三解

負嵎突兀飢膏渴血

火機前張陷穽後掘殪虎虎死人爭虎骨

四解

虎子已夷虎

穴已犁山空野曠行者猜疑彼何人斯而蒙厥虎皮

五解

有寄二首

隴頭流水斷人腸西出蕭關古驛長清淚數行人萬里怕

聽玉笛按伊梁

刀環何處寄相思錦字重繙豔體詩珍重畫匳斑竹管當年親爲掃長睂

寄祝大司馬彭芝庭

啟豐

先生八十壽四首

人間真有地行仙晚節懸車賦樂全名應臚雲纔綺齒職分卿月未華顛畫圖疏傳還鄉日詩句香山結社年今夕靈臺應紀瑞文昌南極正同躔

辛卯與致仕大臣九老之列

經籛素業最紛綸拾芥巍科見替人

帝稔才名如聽履士推風雅藉扶輪斗牛盡辨青雲氣竹
箭都依絳帳春還向鄉間開講席俊廚才譽總嶙峋

今設教
紫陽書

院培植後起
人才甚盛

笠澤靈流行慶長九霄威鳳並迴翔

賜書分與兒孫讀貽笏留爲朝野光石奮傳家敦孝謹蘇
瓊有子擅文章繭園愛日扶鳩過松桂新添翠幾行

契闊春風歲幾更籌添鶴筭跂蓬瀛門多仙客攜麟脯曲

奏雲璈叶鳳笙難老久應尊碩果望塵還忝繼榮名

吳中丁
未科公

援大魁後越三十四年
庚辰歲沉泰步後塵 瑤池乞得蟠桃核遠佐黃封介雅觥

枕上得句

短檠收燄背牆隈銅鴨香挑欲燼灰
夢落蕉窗銀漏轉聲譁涼雨送秋來

穀樹一章

穀樹雖散材成陰亦可嘉依約始生時
扶寸纔萌芽孤根寄牆角微榦隱籬笆
紛披葉粗醜不實又不花風霜蝕其
骨蟲蟻穴其極灌溉斯靈澤支離困泥
沙不材生世間顛顛實可嗟人情生厭
薄棄置等菅麻我思保護之徒沸羣
口譁幸托署園內得免斤斧加掄指
未十年喬柯映窗紗亭亭似偃蓋空際
枝盤挈烈日不下窺濃陰障金鴉煩歎
鬱塵海清風入我衙閒停白羽扇靜啜
紫陽茶盤桓撫此樹不覺笑口啞昔爲
衆人賤今爲衆人誇君不見各種奇

花開旋落華堂繡幙重重遮

環香吟閣憶故山作

隨處營巢寄一枝偶尋幽趣不多時
花因色淺香逾遠樹到心空格始奇
琴閣鐙昏蟲獨語書窗簾靜燕私窺
故園猿鶴應騰笑夢裏青山鏡裏絲

七夕詞二首

淒斷秋聲撼井梧涼波寫影貯冰壺
雙星應羨村夫婦一世曾離寸步無

修渚迢遙別恨多年年風浪阻銀河
仙緣不許塵緣了又向他生關愛羅

秋日閒居

斗覺涼風一夜生曉來底事擾幽情空庭黃葉蕭蕭下費盡工夫掃不清

八月十五夜翠苕館望月作

昨夜虛堂雨未休憑欄又被月勾留三更流照千峯滿一鏡涵空萬象收客館秋心通碧海天涯人影落瓊樓莫嫌薄有纖雲掩無限清光在上頭

更鼓四下寢不成寐念太夫人在時是夕必焚香拜月與小兒女團圓笑語竟夜不倦追維往事
泣然感述

單衾夢短怯支愁冉冉雲華淡欲流萬事那如今夜月一亭空憶去年秋玉盤不定淡清淚珠魄難圓痛白頭香燼

霜寒迷履跡石闌前畔記扶鳩

題雙芍藥圖爲孫淵如秀才作

認作空花恰筭癡春風賺爾鬢成絲畫師那識憐花意不
寫交枝寫折枝

浩態狂香不可收雲霞爲幔月爲鈎瑤宮異日修花史定
有嘉名號並頭

穠華彈指逐飛塵又茁靈芽絢晚春我道優曇呈幻影雙
花原是一花身

綠尊紅燭按玲瓏窈窕仙姿一樣工金帶簪來如有分教
君同入畫圖中

長安城東南隅有村名月兒高金花落似唐時南

內舊址因公過此各系以詩

月兒高

秋槐落殿頭冰蟾度瑤闕風吹羽衣曲仙樂聽飄忽姮娥
放清光冷照窮泉骨不見故宮人猶見故宮月

金花落

昭陽蟠龍鏡擁髻唬神仙宮車去不返珠翠爲誰憐玉顏
委蔓草零落年逾千野人浚枯井淘出黃金鈿

紀將軍廟

赤帝輿尸間道亡君臣易服事倉皇死開炎運扶真主榮
勝淮陰作假王一炬靈威銷楚焰千秋血食肅秦疆似身
變局成奇烈坏土長陵跡未荒

元默攝提格

上元鐙詞

絡角星河不夜天
春鐙人自卜春田
兒童編作秧歌唱
關內豐登已十年

碧樹紅闌萬點明
戟門連漏轉三更
交春便抱祈年意
不

聽歌聲聽雨聲

十三日
竟夕雨

誼闌車馬溢街坊
十隊雲鬟七寶妝
鐙火萬家春一色
樂游風景似金閭

鼓鉦殷地走輕雷
寶燄千枝百戲開
瞥見廣場波浪立
雙龍爭挾火珠來

錦棚繒彩隔吳天
枉費華胥一夢牽
七里山塘千里月
銀

鐙忽照麗人船

擊缶烏烏滿座中清宵花底按玲瓏曼聲錯認霓裳調腸

斷東吳老阿蒙

謂王石華
孫淵如

塗鴨盤螭挂節樓九華雲幔翠煙浮西京巧製傳丁緩好
向長安市上求

仙館明輝麗慶霄銅駝四角綴瓊翹夜長樺燭添紅燄春
曉終南雪半消

十年持節住秦關夢斷蓬瀛供奉班記得披香頻侍宴紅
雲萬朶駕黿山

瓊樓簾卷月初升雲遏珠樓萬景激玉貌錦衣諸弟子當
筵齊舞太平鐙

邀吳企晉王蘭泉嚴冬友錢獻之孫淵如洪穉存

王秋塍復小飲靜寄園杏花下

晴空百尺游絲裏滿院香雲閒不掃園丁走報春已深杏
花開到幾分了不速之客三人來我有旨酒須傾倒燕窺
庭宇語呢喃竹隱簾櫳枝窈窕春光泥人人不知癡人日
日增煩惱須知壽命非金石一觴可免百憂擣莫放韶華
瞥眼過坐聽鷓鴣催芳草鏡中青鬢惜蹉跎風裏紅雲易
翻攪一回花謝一回思惆悵江南春雨好今年花似去年
紅明年人比今年老

上巳雨後郊行

一渠碧水漾明霞繡陌攜鋤婦子譁肥意綠滋將秀麥豔

情紅綻半開花曲江春冶湔褰會隴坂心傷斷爨家仰睇
華雲膚寸合西霏靈澤度流沙

時聞甘省平輦
等處歲收甚歉

青門柳枝詞四首

緣隄濯濯逗芳春青綺門邊野望新莫向離亭輕折取濃
陰留覆往來人

低飄畧約拂精藍嫩縷纔搓月正三省識春來煙雨足去
天尺五是城南

長條漫說繫春難蘸水依依綠未殘一種東風看樣好有
人描入鏡臺看

寶勒鈿車陌上歸柔絲慣拂舞時衣韶光領畧憑青眼看
盡繁華作陣飛

爲洪穉存題機聲鐙影圖

孝烏啞啞集我板屋屋底一人幼好奇服晨披夕吟蓼莪

廢讀讀書萬卷抱圖一軸圖開母在酸淚盈掬

章一結襦蚤

歲所天隕亡雙鸞斷影破鏡掩光哀哀孤兒繞膝叫孃兒

幸聰明續父書香憂者衣食逝者星霜

章二外家蔣氏僦居

數椽白雲溪邊小樓三間溪光雲影冷照慈顏無冬無夏

以誦以弦兒能讀書慰彼下泉

章三

囊乏資斧師乏修脯終

宵紡績掩幃獨處兒勤母喜兒惰母怒軋軋機鳴涕零如

雨青鐙一穗時聞鬼語

章四

書聲弗歇機聲弗輟織成一匹

縷縷心血閒不窺園功同立雪褐衣布被淒風冷月春草

寸心仰酬苦節

章五

隔溪柳岸晚泊釣船樓頭五更鐙燐

然鄰婦詈予漁父笑焉臨淵而羨得魚在筌水天閒話傳
播人間

章六

博學工文推大手筆已成兒名已竭母力霜摧

靈萱慘凋顏色蒼蒼者天難延愛日機斷鐙地萬古以畢

章七

常懷顧復追繪遺蹤溪聲嗚咽樹色蒙茸淒鐙影裏白

髮龍鍾悲銜心骨愁減儀容昔昔音徽宛在目中

章八

予亦

失怙少遭閔厄慈幃課詩口授三百節比荼茹恩侔荻畫

帝錫奎章爰鐫翠石君當榮親光流簡冊

章九

三洪苗裔宜

有聞人母氏勞苦毓此鳳麟銀管紀嫩冰綃寫真雲梭落
手短檠是親讀書盡孝孺慕終身

章十

訪唐王右丞輞川別業二十首

有序

壬寅仲秋出巡漢南歸途取道藍田與冬友遊王右

丞輞川別業叩之清源寺僧茫無以應因按名考迹
半已湮沒不禁慨然久之爰依輞川集中王裴倡和
詩數成二十章記靈境之難逢感清遊之非偶至於
詞旨荒蕪遠媿前哲所弗計也

孟城坳

城廢池亦平滿地靡蕪綠緬想摩訶居堞樓俯板屋落日
少人行柴門掩修竹

華子岡

精廬傍崇岡良朋日晤對今宵輞川住王裴許我輩月暗
一燈青遙村聞犬吠

文杏館

曩時文杏館今日青蓮界
幢影翻磬聲照佛一鐙挂此景
能追摹卽是詩中畫

斤竹嶺

峭嶠復淩雲直節依然在我欲問龍孫
山居今幾代一窻綠夢通吟嘯總天籟

鹿柴

數折麋眼籬紫依楸樹腳苦匏施其上
黃花開且落幽居正寂寥山空一聲鶴

木蘭柴

徧尋山谷間木蘭不知處儻令今猶存
已是參天樹剗丹當靈槎好訪星河去

茱萸泚

我誦輞川詩私心竊尙友擬待秋深時
捋實釀新酒臨流酌一觴迎神作重九

宮槐陌

奇樹影婆娑迢隔鳳城堞秋館坐溫經
蕭然意彌愜雲外一僧來空堦掃落葉

臨湖亭

臨流小石亭三面瞰煙汀波影兼天動
山光入座青倚闌成短句吟與野鷗聽

南垞

南垞一掌平煙莎如翠毯隔水望漁莊
莊後遠山澹愛殺

石磯前紅衣披菡萏

敬湖

浪花渺無涯葭菼不斷響對此移我情頓頓深濠濮想野航
何處來篙驚驚雙上

柳浪

春柳拂銀塘影隨波潏潏莫奏鬱輪袍綠汁衣曾染鶯梭
織曉空金丸印一點

樂家瀨

漱石聲濺濺水風吹不歇何當結草庵于此避炎熱挂起
符簷窗臥聽六月雪

金屑泉

觥沸出不窮通海應有眼星星露紫金人罕披沙揀相對
可忘飢何須藥玉琰

白石灘

亂石白鑿鑿空灘碧沄沄安能三畝宅占斷一湖雲持竿
不在釣寄情聊爾云

北垞

暮宿南垞南朝游北垞北一段水雲情丹青畫不得豈意
小樓窗吞盡全湖白

竹里館

萬箇玉森森短籬繞作圃不是見苔蹊誰知有庭宇一樓
裏松煙茶竈響秋雨

辛夷鳴

幽尋值秋仲可惜後花期不見芳菲節羣擎紫玉卮願借
生香筆湖山寫小詩

漆園

園漆數十株有用適自冠時時來賈人柴扉不停叩傍有
臥壑松偃蹇卻多壽

椒園

琴鼓山中樹移來路幾千衆人爭掇實服食冀延年我愛
名唐蘋堪增爾雅箋

敬題先太夫人手抄唐詩選後

冬青淚灑向南枝畫荻恩深報荅遲虛館一鐙秋雨夕難

忘縮髻授詩時

自題靈巖讀書圖五首

書帷影事漸模糊重對明鐙展舊圖此夕秋霜滿蓬鬢要
從故我認今吾

輞口宛尋摩詰畫元亭錯認子雲居山窗儘有閒工課抄
得人間未見書

漫矜壁句已籠紗猿鶴幽盟願尙賒留得此心冰雪在還
山好與證梅花

詩從松韻泉聲得人學筠心石骨堅莫笑清修無我分湖
山主管自髻年

竹寮月上夜鳴琴經世何關抱膝吟人約白雲同出岫到

言集卷二十一
三
頭舒卷總無心

茂陵

哀痛輪臺一詔傳
英明實邁景文前
崇儒功大還揚武
傾國人亡便學仙
玉殿鐙昏藏甲帳
金盤月冷泣通天
瑤池青鳥無消息
石馬秋風守廢阡

磻谿

手把殷周局持竿
問水濱單辭陳敬
怠百世起師臣垂釣
璜難必飛熊夢有神
後車歸載後悞殺白頭人

圓通禪院

殿頭埋廢碣佛面冷殘金
垣短花難隱峯高月易沈
鐘聲泉底出僧夢雨中深
駐策尋初地伽陵唱梵音

馬嵬十首

斜谷鈴聲暮雨昏石羊亡走臥空村合歡堂外虛金屋不

向秋墳覆麗魂

貴妃墓陵上只一荒冢而已予爲揭葺新宮數間繚以長垣種植松柏作記記之

龍武空傳仗鉞威延秋門外夜烏飛若教郭李從西幸月
舍強藩殺貴妃

玉笛吹殘喚奈何軍門倚杖涕痕多羽衣法曲漁陽鼓併
入迎娘水調歌

繡嶺風涼月殿空憑肩私語兩心同無情最是填河鵲不
渡雙星到壽宮

女禍由來慣覆邦忠言苦口未能降縱令姚宋猶當國難
免前車鑒曲江

鬼鐙秋雨弔雲鬟鸚鵡歸來恨玉鬟金翠不隨塵劫盡尙

留零粉誤紅顏

墓上生白土土人呼爲貴妃粉能悅顏色春日游女拾取醺而

鼎湖龍去墜遺弓地久天長誓不終占得泰陵坏土在到頭恩眷讓高公

南內疎槐撼未休月中人向海中求六州錯鑄成鈿合賺殺三郎到白頭

紅玉蕤蕤翳紫綃荒墟月冷可憐宵晚春驛館桃千葉只助清愁不助嬌

棠梨花老佛堂橫淒斷枝頭杜宇聲七寶蓮華三尺組長明鐙不照長生

秋夜枕上口占

明滅殘鐙斷續更秋深羅被覺涼生不知桐葉吹將盡侵
曉疎窗減雨聲

寄惠瑤圃齡參贊塔爾巴哈臺三首

漠漠黃雲萬里平朔風吹射寶刀鳴馬頭蜩縮行人絕積
雪高於雅爾城

鄂羅斯境犬牙錯博克達山鷺嶺空回首輪臺來日路紫

雲峯影落天東

博克達爲西極名山在烏嚕木齊東南山頂時有紫雲覆蓋

紅閨少婦憶刀環已及瓜期可代還我有錦書緘淚去孤
鴻難度玉門關

題琴心倚梅圖四首

纖纖黃月乍如鉤襟袖涼雲澹欲流人影暗隨花影亂那

須重費幾生修

手栽瓊樹已成林琴裏閒情畫裏尋
日日春風吹不盡半庭香夢五湖心

家山繞屋萬株新等著他年偕隱人
撈取一枝同供佛拈

花許爾證前因

琴心奉佛虔謹予于靈巖山館築問梅禪院四圍植梅數千樹皆異種也

凭遍紅闌意惘然迢迢雲水隔三千
新圖粉本重商確玉井曾搴十丈蓮

十二月十九日爲東坡先生生辰集同人設祀於

終南仙館賦詩紀事敬題文衡山畫像之後

并序

月建嘉平日在辛巳宋故端明殿學士禮部尙書蘇
文忠公嶽降之辰也覽乎遺文嗟不並世求其宦蹟

近在于茲兼以歲序將闌豐年告慶爰集勝侶潔彼
庶羞几筵旣清畫像斯肅致恪則式歌且舞崇儀則
迎神降神于時和氣在堂清光向夕朋襟之雅旣紹
南皮獻歌之聲有逾東洛庭餘積素如登聚星之堂
山送遙青居然橫翠之閣嗟乎尙友之志頌詩讀書
仰止之誠列星喬岳七百餘歲撫几而如存十有四
人操觚而競賦逮至斜月沒樹音猶繞梁嚴霜襲衣
飲始投轄中心好之驪駒之咏且止歲云暮矣蟋蟀
之旨毋忘預斯集者詩無不成昔孝若作贊言圖歲
星陳留聚賓致徵緯象今序而傳之亦以紀嘉會著
良時並使後之祀公者有所述也

七百年前今夕是何夕玉京仙謫人間作詞客人間塵劫
轉飛輪後生思公如公存靈衣玉劒棲我終南仙館之明
軒三閣雪深落窗紙庭院清光涼于水酌酒壽公公色喜
滿堂盡是詩弟子予生總角時母氏口授一卷東坡詩卷
端笠屐圖公姿飲食必以祝卅年嚮往之蘇門門戶窺者
誰末學鑽死蚯蚓竅壇坫反借公爲尸予不識公頻夢公
指點詩法啟瞶矇公詩淵源騷興風風鎗霜鬢多專功衡
山貌公筆力工飄然鶴氅長鬢翁畫中夢中神明通消寒
近什盈詩筒執卷請益如兒童冰天雪地照公闊達高朗
之心胸秦關亦公舊游處岐下山川今卽古紅亭宛在東
湖中想像當年燕游所桃花三月覆新祠展拜昔同嚴道

甫東湖有先生祠堂故址余于乙未歲重輯與冬友游覽賦詩刻石

太白西南作霖雨公前請封後

及予

郡縣太白山神先生曾請封號載在志林沉登山禱雨屢昭靈異甲午歲復爲奏請詔加昭靈普潤謚號

師公從政學公

詩終愧粗才近莽鹵載拜陳詞覽揆辰嗚呼先生真天人
奇文一世供羅織慧業三生記夙因風波無限憑空構
有丹忱光宇宙雪鴻飛去爪痕留磨蝸生來命宮守國士
聲華重樂全罪人名氏書元祐賢如韓琦司馬光擠之不
許上玉堂西臺營營鼠子輩詩人例得投窮荒期之以宰
相稱之曰奇才三朝知遇何有哉一場春夢隨飛埃公乎
公乎茫茫雲海空歸來新詩聊當神弦曲羅列芋羹及薑
粥吾輩或免門牆辱願公年年此日來不速公驂鴻都之
白鸞予爲赤壁之孤鶴迴翔御風游太清免予上下而求

索秦棧西連蜀道長靈之醉矣樂未央英聲各有千秋業
私淑終畱一瓣香丹青肖出神仙骨咫尺雲旗去飄忽文
在茲公不沒錦江水峨嵋月

經行渭北瞻眺漢唐諸陵寢

雲旗黯慘鬱重陰袞冕威儀儼降臨玉匣千秋藏廢隧神
鐙五夜出深林霜沈金雁銀鳬色雨蝕銅駝石馬心陵戶
輪租餘幾許忍看田父荷鋤侵關中歷朝陵寢四旁多有餘地樵蘇明
禁甚嚴二十年前某中丞議請招募陵
戶又因惜費節令耕種陵旁地以當工直小民貪利懇闕不已陵冢大半
損塌余屢中禁約捐俸補修然恐終非經久計卽此可爲當官見小者戒

賣酒樓

陳倉

紅闌百尺柳梢頭可是當年賣酒樓不飲也畱詩幾句愛
他名字劇風流

錢唐門人黃易編校

靈巖山人詩集卷三十一

靈巖山人詩集目錄

第三十二卷 古今體詩

終南仙館續集

昭陽單闕

再游韋曲

新春效長慶體賦生春詩四首

集石供軒席上效香山一字至七字體詩同賦

花月二首

武功訪孫西峯前輩書堂賦贈

再渡隴水

重經回中山王母宮偶憶翠茗館前碧桃盛開

得詩二絕緘寄絢霄

隆德

寄懷琴心絢霄

贈王敬之同年

馬上口號二首

花家莊喜雨

題蘭慶長夏讀書圖

試院夕坐得句書寄琴心

琴心軒西閣有蟠桃樹名種也今年結實一枚
方秋成熟環碧摘以相餉疊前韻代柬

得智珠生女之信再疊前韻誌喜

題試院虛直軒後院修竹

榆林綏德沿邊郡縣秋禾被霜成災親赴勘卹

觸景感懷得詩十首

綏德道中寄絢霄

掃室

試香

黏窻

煮茗

天竹

水仙

蠟梅

木瓜

鐵雀

銀魚

登澄觀臺望終南積雪

憶梅詞

閑逢執徐

重過東湖疊乙未春與冬友坐宛在亭玩月原

韻五首

重游終南山

樓觀

授經臺

仙游潭

馬融讀書石室

玉女洞

草堂寺

圭峯

子午關

與蘭泉竹嶼友竹冬友夜話

納涼有感二首

鬼車行

後觀棋絕句四首

送友竹南歸鄧尉山二首

寫墨菊一叢寄壽曉初林丈七十初度並題卷

端

靈巖山人詩集卷三十二

鎮洋畢沅秋帆

一字續蘅

終南仙館續集

昭陽單闕

再游韋曲

碧桃門巷停雙槳流水浜兜聚一村日住紅霞川谷裏卻從世外問花源

新春效長慶體賦生春詩四首

何處生春早春生在畫堂彩鳥環戟暖金燕帖釵忙物象饒和氣心花貯妙香村城鐙火盛譜曲奏懽場

何處生春早春生在遠山曉青螺髻潤晚翠月睂彎雨作

雲難暇泉奔石轉屏遙峯樵徑出時見一僧還
何處生春早春生在小園鶯聲輕喚夢草色暗消魂境僻
香爲國枝交樹作門夜深還秉燭芳訊幾番掄
何處生春早春生在麥畦碧添新水外紅襯夕陽西雪足
蟠根穩雲深壓隴低長安十萬戶從此免飢嗔

集石供軒席上效香山一字至七字體詩同賦花

月二首

花含秀吐葩珠簾卷玉闌斜堂開四照鐙映九華鴛機舒
豔錦鳳紙粲朝霞掠鬢銀屏仕女停撓香國人家春三夢
雨雙瓊枕尺五芳塵七寶車

月雲華露潔灣如鈎圓似玦兔魄初安蟾光未沒曉鏡麗

清容秋衾冷吟骨青蓮江上空撈丹桂宮中枉伐銀河碧
落怯淒寒玉宇瓊樓憶恍惚

武功訪孫酉峯前輩書堂賦贈

虎皮坐擁作經師想像西銘講易時關右靈光公望重城
西陶穴我情移名山自有傳人在遠道長縈落月思撰杖
春風談笑洽繡毬花照鬢邊絲

先生穿土室爲書齋掃徑編籬雜蒔花
竹時繡毬一株盛開景物清幽高風可

想見也

再渡隴水

雨遲難必歲登豐輟耒農歌大小東春去褐衣還百結災
餘磬室已全空流離水滴征夫淚窳窳聲嘶鬼馬風止有
杏花橫野渡臨波猶作可人紅

重經回中山王母宮偶憶翠茗館前碧桃盛開得
詩二絕寄絢霄

每探花訊日登樓到得花開我遠游一鏡紅霞飛綺影水
晶簾卷正梳頭

仙種人間也許栽一年一見茁靈芝袖中攜取蟠桃核親
向瑤池乞得來

隆德

積土成山塞望中十年難得一年豐市攢鵲面鳩形侶家
與羊牢豕欄通無疾臥薪生鬼氣半敲枯柳少春風朱門
說與膏粱子天壤人多此輩窮

寄懷琴心絢霄

鐙案餅花香影橫羅衾薄薄夢難成壯心漸耗英豪氣離
緒偏增兒女情工病藥抄方一卷酸吟硯冷月三更明知
小別無多日也費恩恩唱渭城

贈王敬之

曾翼

同年

相看綠鬢已全非偷得閒身好拂衣行具早商攜不借書
緘只合寄常歸金城夜月龙空吠震澤秋風蟹正肥一棹
垂虹煙水闊免教孤負舊漁磯

馬上口號二首

馬首顏雲橫青冥石劒攢昨宵春雨急百里響空灘客倦
妖魑逼童癡飢虎歡我心無險阻只作坦途看

猿影緣樵徑花枝罨釣磯林深雲易合峽近雨常飛紅寺

峯凹迴蒼煙，礪曲微山農。欣麥熟飽食，掩荆扉。

花家莊喜雨

空同雲勢鬱嵯峨，一雨千村澤物多。築圃人應消菜色，垂
林果已熟蘋婆。風淳角鼠穿墉少，土瘠哀鴻集渚多。嗟我
持幢三度隴，者番滿地見秋禾。

灾餘間井抱痼瘵，蠲賑

恩綸次第頒。歲稔室家仍草草，雨酣婦子且閒閒。粥餽暫
給田功薄，耕鑿粗安衆力孱。第一蓋藏真至計，長官何術
濟民艱。

題蘭慶長夏讀書圖

書堂暢南榮，喬木陰四罩。中有老經師，正襟若垂釣。童子

侍坐隅橫經甚年少雙瞳翦秋水鶴骨頗戍峭韶穉甫八
齡讀書亦稍稍吾友徐友竹吮豪爲寫照挂壁熟視之棖
觸百憂撓汝父掌中珠隨官赴西徼失恃日悲泣思母柩
前跳同衾共我眠溺愛怕失教汝之曾祖母辛冬痛掩耀
江上有故廬一返吳淞權汝方綰雙髻抱書上家校廬墓
未周期奪情拜

明詔汝父留吳門爲我代守孝持幢再入秦逆回肆攻剽
發兵馳虎符西望滿飛礮習坎出重險獲免前車蹈長鬢
自南來手持尺書報開書讀未竟魂忽九天掉汝父一病
亡瓊枝折難料故園老梅花下有孤鶴弔眼眶血淚枯書
空日狂叫汝母淑且賢慰勸雜淒悼驛路多辛苦提攜二

孩到升堂著素綃抱汝一長號慘戚思子情仔細看孫貌
桐枝雛鳳聲清與老鳳肖經訓式貽謀

奎章煥家廟授以三百篇風雅契微妙青緗得付託有孫
異伯道隔院聞書聲破涕爲一笑

試院夕坐得句書寄琴心

鎖閣欲覓報章難同賞秋花共倚闌偶得小詩能遣疾莫
嗔癡婢勸加餐心燈惹夢牽情了睂月窺窗逗影寒屋後
簪當環一碧因風藉爾訊平安

環碧軒西閣有蟠桃樹名種也今年結實一枚方
秋成熟琴心摘以相餉疊前韻代柬

鵲銜蟲蝕護持難小摘秋庭傍碧闌西母或煩青鳥使東

方偏奪細君餐春風玉洞花如笑絳實嫌山雪比寒漫認
城南多異種穠華一樹冠長安

得智珠生女之信再疊前韻誌喜

扃關得展寸箋難銀漢迢迢夜向闌料得此時同笑語偶
因憶爾損眠餐碧霄桂影流雲潔丹水珠光墮掌寒今夕
玉壺澈皓景一規兔魄已全安

題試院虛直軒後院修竹

三年晤對一旬餘憔悴憐君感索居有雨滋培終挺拔無
人物色更蕭疎頽廊冷月羣狐占直節清風畏友如莫笑
凌雲孤素抱投閒甘自北薪樗

榆林綏德沿邊郡縣秋禾被霜成災親赴勘卹觸

景感懷得詩十首

北地災形八邑連蠟梅初放去巡邊元霜殺穀金垂氣苦
雨漂禾石作田耕種本來違地利鹵磽難必得天年傳聞
第一驚心語斗麥今過五百錢

絳節紗鐙導我行黃雲黯黯馬頭橫偶因吠犬知孤堡悄
不聞雞過五更釜覆斷糧難食卯磬縣北室遍呼庚怕聽
嗚咽榆河水半是蚩氓淚滴成

蕩地黃飈滾黑塵飛蓬疾捲逐車輪思餐饑鬼工爲祟憑
社妖狐假作神暴釜久虛鄰各散土窖半塌井全堙豐貂
我尙如披葛忍覩無衣僵臥人

蒼莽郊原入望低飲河雲際互妖霓冰堅迷渡窺狐跡風

橫驅沙壅馬蹏疊嶂萬重天直北孤城一片月沈西最憐
野哭餘殘喘寒噤宵長慘不噓

小車推挽半逃亡兒婦隨行泣路旁窖水漸乾虛盼雪市
糧不上待開倉紅楊枯盡縈愁縷白日飛空墮冷光零落
村墟多鬼氣一天涼露月荒荒

頻年瑣尾失寧居無計求生卽死如剗月正難供二鬴燒
肴何暇問三餘呼羣急似空倉雀活命情同涸轍魚不向
廊延謀轉粟忍看萬井爨煙虛

時擬運廊延二屬
倉糧十萬石賑卹

窮老真成無告民天寒歧路怯逡巡那堪臥轍攀轅輩盡
是皴皮立骨人枵腹要籌銀易米關心最怕臘交春痛他
拌作溝中瘠乞食聊延旦暮身

葑屋空嗟瓶罄羞誰爲旨蓄禦冬謀烏雅啄骨荒原飢魍
魎欺人近市游伏枕聽鈴頻夢魘臨餐投匕獨酸眸慙予
忝竊斯民寄拯救如何借一籌

書生康濟術非迂民病雖深藥可蘇閉糴令嚴辛棄疾發
倉政仿范堯夫雲霾蒿磧逋飢鼠霜老楓林叫訓狐滿眼
瘡痍何計復分明一幅鄭監圖

朔風獵獵捲霓旛驛館蒼涼暮景昏塞月有芒寒砭骨壁
鐙無焰暗銷魂奏章屢削披衣起報牘頻馳灑涕翻矯制
何勞效長孺

德音早已下雲閣

綏德道中寄絢霄

邊郡秋災萬井空
縫衣結佩別怱怱
水仙畫閣香吟雪
飢鬼荒墟嘯怯風
半月長城馳健馬
殘冬沙渚集哀鴻
淨首大有慈悲力
一炷香援苦海中

掃室

地衣華屋笑人癡
閒課兒童敝帚持
未了塵緣聊復爾
本無滌癖偶爲之
佛鐙西土三生業
夢轂東華卅載思
自覺靈臺纖滓淨
那煩團扇障元規

試香

白定宮籤貯水沈
博山遺製土花侵
玉蜍融到初冰硯
金雁潮收挂壁琴
一炷消磨名士習
千絲繚繞美人心
鄂君未免增惆悵
孤負寒宵怨繡衾

黏窓

晚晚心情乍掩關
寒威生怕逼櫺
頑雪風交橫重簾
外水月通明一紙間
室有蘭言香不散
庭添梅影夢常嫺
蕭然木榻鄉園景
竹屋青熒鐙火間

煮茗

病渴相如酒乍醒
鬢絲無恙閱茶經
椀浮蟬翼垂雲綠
鼎蒸龍頭活火青
雪後三更供客話
雨前一盞瀹心靈
曾經手掬天池水
賸有蓮泉貯玉瓶

天竹

柴几排清供銅瓶
鎖舊巢名依佛火
證人是歲寒交有實
雞棲鳳非珠似泣
鮫松明鑪焰冷紅
暈落枝梢

水仙

凌波標玉格對雪繪冰顏影落寒鐙外香流綺石間孤村
思煢斗名種覓臺灣展玩王孫筆風窻正寂閒

予舊藏趙子固畫卷

蠟梅

香國羣芳殿冰天冷豔新栽娛晚歲福老盡賣花人一樹
纔迎雪三分早借春黃純初入道寂寞對蕭辰

木瓜

氣得中黃理紗幘靜好聞仁心元有質大雅自爲羣金椀
沓凝酒瓊簾粉作雲平生交誼重投贈愧慙慙

鐵雀

小院飛鳴急啁啾混靜娛錚錚名浪得瑣瑣族寧殊詎抱

堅剛質應慙微渺軀輕佻矜骨鯁鹵莽陋文麤破瓦爭羣
宿空倉競粒呼終貽鸞鵠笑只與鷺鳩徒叢薄多張網兒
童慣挾砮亂喧翻雪篠碎影失秋蘆有角穿人屋非珍給
我廚羽難儀上國品足饜飢儒芒刺頤仍朶脂充肉自腴
那能供大嚼也許佐清醕永矢銜環報同嗤抵玉愚後身
還作蛤鄉味並思鱸鑄錯空憐爾貪饕莫過吾豸冠堪作
柱按箸惜區區

銀魚

偶作臨淵羨求來寸有長餐花常傍石聚族慣隨陽風煖
春三月霜激水一方喋波翻柳葉吹雨簇萍香叢叢游無
數洋洋逝不妨駢頭工逐隊銜尾自成行荇橫溪心聚風

迴碕曲藏亦知潛泳樂翻覺去來忙餌下鉤難上網疎目
尙張潭空輝寶氣川媚亂珠光漁父思攜罩廚娘喜滿筐
霜刀飛斫雪冰裏截凝肪象箸擎偏滑金夫見欲狂味同
瑤柱美色映玉盤良粢殄仁人戒懲貪素志償嗟哉其細
甚忍當品鮮嘗

登激觀臺望終南積雪

玉虛凝浩白一氣天銜山占年過小雪纔盼珠澤頒暮色
作蒼雲綬綬布秦關太陰驅滕六三日不放閒攬衣升高
臺縱心杳冥間中南列銀屏紫府沉元鑲松深雲不盡微
裏青煙鬢瓊闕虛無中霞骨思飛攀瓊霓灑襟袖恍惚仙
京還仙京與人世萬象涵一環對此高寒景照予歡樂顏

汜勝書可證盈尺望豈慳西土素瘠薄蓋藏計非嫺雖卜
歲功稔終憂民力艱僵臥無衣者念茲抱痼瘵

憶梅詞

香水溪靈巖麓翠微深處吟堂築門巷寂寥嵌空谷手種
梅花一千本冷豔繁枝絕塵俗此花與予久目成任教消
受書生福春雲蕩漾日溫暾萬頃寒香塞我門一橋殘月
數村雪茫茫玉蜨飛無痕西山前上下崦一樹老梅花萬
點危石支古苔染覆我釣魚磯映我藏書牕塵緣未了出
山去回首別花花不語北走燕雲西入秦問梅精舍知何
處

予靈巖山館中
有問梅禪院

歲云暮矣風雪驟春信枝頭應已透官齋清

酒話江南驛使芳音斷親舊天涯人遠乍黃昏料得花還

如我瘦風光旖旎路迢遙卅年拋擲孤雲岫松林翠羽夢
何如繚繞南枝更北枝花靈曩日盟言在重訂還山在幾
時醒來涼月已三更疎影依稀素壁橫香落琴絃彈一曲
爾音千里同金玉花如不諒予精誠請問鄧尉山樵徐友
竹

時友竹寓
居署園

閨逢執徐

重過東湖疊乙未春與冬友坐宛在亭玩月原韻

五首

銀塘柳絮紛于雪碧檻荷風澹若秋只道萍蹤無定著再
來還得續清游

潁川杭郡西湖好此地公來尙少年詩比鳳泉清到骨天

留勝地屬名賢

篷窗燭跋夜將殘
篙滑波深著手難
明月上來如舊識
把杯訝我一人看

手折芳馨羞上座
似親談笑愛無眠
焚香莫怪低頭拜
熟讀公詩已卅年

湖身新展雲流闊
花意將闌客到遲
山水清緣應未了
五更飛夢落峨眉

重游終南山

名山結清緣曾游訝
昔夢奮迅煙霞骨
矯矯躡虛空羣峯
互將迎揖讓儼伯仲
旣見心則降乍逆目
已送雲封子午谷
雙溪夾一巷夜來星
斗光墜入古石縫
蛟龍穴其中太

陰沉洛洞瑤簪萬笏插天駟窮罄控女媧手煉餘遺落失
磨礱紫雲剖片片留待補天用

小月逗巖罅冷光逼幽獨竹影一溪碎滉漭神明綠境寂
愛鳥喧雲斷借花續人家住桃源小犬吠深谷獨木支爲
橋硌硌徑幾曲一索引飛繩虛縣白板屋屋上春泉寫琤
璫戛琴筑水流而花開有客來宿宿

地肺貫陰絡鬱洩兩界交終南在都南麗影淩層霄游蹤
認前度飄忽黃葉凋古壁露石骨疑費鑿剔勞谷風中夜
起陣陣鳴刁蕭彪虎抱虎子蹲坐洞口號天寒飢覓食橫
擔走豎樵雲深林又密丹梯架仙巢陰陽互歎歎一瞬萬
景包羽人步虛游天風吹紫簫

排虛縱翱翔亂雲驅雙屐四顧青濛濛睂睫煙靄積抗手
招赤松脫屣塵劫尾清泉白石閒天若奪之魄羊角搏鴻
毛性命虛牝擲見義思急遷懷新矜創獲翠微隔壘陟孤
聳亭一隻仰臥吸靈霞伸手明星摘宇宙紛萬形彌綸近
几席河嶽鑄方寸模黏心血碧

晚投巖洞宿夢境添峭徭披衣坐石壇霜華滴我面貪奇
無厭足本性失耿狷注想旋蕩心恍情恣流盼碧城十二
樓境界彈指變半山半是雲真幻互隱見偶來神仙宅雞
犬亦眷戀仰看烏兔馳飛光誰與餞提籃斲藥人采采去
怠倦谿深不知源流出梅花片

樹古覺有靈人古覺有味山人枝鹿流巾葛而服卉不耕

亦不讀獨往道自貴四序泯寒燠千巖競芳菲少見怪易
多幽索奇難旣月落呼林林花深笑狒狒飛龍赤色角嶷
嶷吁可畏慎哉臨淵心欲進還且未援琴彈樵歌風露轉
一氣

峙者千層峯植者千株松松峯互離合水流而雲通鴻濛
鬱靈祕囊括斯山中遐襟抱元慕遠躡胎仙蹤黃獨斷長
鑱蒼藤扶短筇茫茫月無路盼斷飈車逢蓬瀛渺神思霞
露澆心胸玉雞喚紅日笑指扶桑東翻疑丹鼎成大還收
全功靈飛幻靈景隱見金芙蓉

一峯若逋逃衆峯若競逐縱橫無文理峭卓萬筍束虎牙
熊耳形雄界亦帖服榛莽否塞象尙存草昧局妙極怡天

然造境鮮重複瀟灑遍花柳安閒到麋鹿理參化工工襟
浣塵俗俗林泉割片段畀予作湯沐霞表構仙巢煙翠飽
心目奇懷萬里遙攬之在一掬

雨過聞龍腥遙看雲歸洞摩崖側身進石勢壓頂重下無
寸土著處處皆鑿空心旌縣摇摇游目不敢縱寂寥羣籟
滅謀耳水石閔夔精跂一足談礮肆嚇恐冲襟抱痼癖早
覺膏肓中仙人戒嗇吝妙境盡情送松月落前溪手掬時
一弄雲衾展石榻人與鶴同夢

超空變老人身短不盈尺疎林拉雜聲隔溪聽喀喀吹鐙
笑讀書揶揄好游客山深無譙鼓窺戶人影闌仰面飛瞧
蟲松杉盡僵立支枕近紅窻影逗冰輪側入夢怕成魘翻

受泉石搯送我青壁頂欲下不能得魂魄墜窮峪醒來亦
可嚇幽雲覆滿身一片寒碧色

石骨剗土月圭稜銳不刳虛空欲粉碎萬仞劒花攢玉龍
劈雙峽驚濤瀉危灘七星礪底沈日月浸已寒山深秋信
早百物傷凋殘雲巖霏丹桂石根潤紅蘭天香與國香藉
茲淡古歡杉櫨大十圍只作寸草觀清泉浣塵影照我紫
瓊冠霓裳羽衣人霞佩來珊珊

嶺頭掃白雲帶縛青鸞尾掃去還復生溶溶看有飄中藏
萬花谷百轉披百卉先天糞除淨不敢穴蛇虺地卜幽人
貞肥遯或庶幾撤衛訪林壑石公免腹誹道人喜我至蔬
筍滿筠筐嶂複月西沈說經尙疊疊危臺臨太乙聖鑑照

熠燿林深光有無非仙亦非鬼

頑松穿石心破寺壓泉背流出殘鐘聲一往無罣礙目寓
色先授神完夢忽碎榛莽填青空精妙極晦昧樹挾秋聲
悲石濡露氣淖袷衣換輕絛骨冷魂難耐瓊臺悄恍間雙
蛾寫碧黛手攀蟠桃枝罡風吹不退私詫塵坌身倏置瀛
環內古來謫仙流到此能幾輩

鴻荒波濤痕融結成靈鷲無意戀人間欲飛不能走三光
恣蕩摩萬彙齊奔湊成象成形始其理實難究或是極鬼
工否則施梵咒大塊敦厚意穿鑿費挽救峯巒斷復續千
里作起伏花兼品色香石分縐透瘦青壁削萬仞洞扉誰
往扣仙人蛻金骨上縣古玉樞寂寞石樓居軒豁風月透

瓊窻珧檻外青霄分左右

蓬萊割左股麗農互橫互渾沌未鑿破元氣先天孕星精
隕成形凹凸位置定天柱虛根垂堪輿奠巨石五嶽各雄
長靈輿敢競勝地肺浮大瀛神仙司厥柄縹緲流精闕上
界絕孤夏青鳥爲蹇修么鳳充妾媵玉扉鎖終古屢叫無
人應微聞天風吹疎花落孤磬轉頭忽渺茫步步入塵筭
山無一寸平安得有捷徑予從闔風歸瓊枝費持贈

靈峯愛奇客迎面爭獻峭元祕忘雕琢頑劣見娟妙憑虛
御風行人影入幽竅千楓根倒植垂厓覆窳窳陰慘雲沉
沉若木斲餘照銀濤寫九天飛洒太阿鞘聲轟盤渦雷頤
洞豈能料昏荒陰雨夕老蛟助悲嘯蒼鬢對青山自憐壯

非少月明秋復秋猿鶴影相弔

元夕夢雲鶴天吏手持節召予主終南清要崇仙秩許竚
三十春再赴白玉闕寤來霞靄光衾枕尙拂拂茲游豈偶
然因緣夙世結林巒絕勝處了了逢故物幻境卽真境混
茫與之一煙翠日浸漬神智亦沉汨空盼掃花人賺予不
再出塵網艱解脫眷戀到軀骨不如驂鸞背九州渺一髮
紫府足威儀司命等節鉞花深芙蓉城名冠石丁列直上
日月行萬古奇情畢

樓觀

青牛曾駐處遺迹在山椒歲月松門古龍蛇畫壁凋香幢
垂鶴羽神幔捲鮫綃碑刻唐兼宋鐘聲暮復朝共希珠有

藥不見玉生苗書豈言丹訣班應列絳霄金童持節引玉
女捧香燒微號知何益真容久已遙一坏春寂寂
老子墓在
盤屋縣
滿目草蕭蕭惆悵荒寒境無人禁采樵

授經臺

橡林蒼鬱出高臺紫氣無邊入望來秦嶺疑雲天上墮渭
川如練樹梢迴五千文字神仙業
時方校傳奕所注
道德經將付剞劂
百二關河
孫子開只有青牛靈蹟在不隨時代問沉灰

仙游潭

翠壁千尋插太空飛樓瓦碧繚牆紅不知寺影沈潭底只
道龍宮現水中

涼波時覺帶龍鱗晴日無風色湛青底事坡陀成坐久往

來點水看蜻蜓

馬融讀書石室

巖竇居然宅一區問名知屬漢時儒枉依季直爲師表可
媿康成作學徒山徑陞危人罕到松林日煖鳥相呼壁間
欲認題名字無柰春深石髮麤

玉女洞

石扉通靈竇泉聲似急湍支鑪然柏葉試茗借蒲團不道
丹崖峻能生白晝寒風林時颯颯瑤佩認珊珊逝定乘青
鳳書應付碧鸞蛾斜新月寫螺髻遠山盤作意留詩句無
因薦薜蘭坡仙成例在調水送歸鞍

草堂寺

豐水漲綠波畧約跨石堰淒迷芳草岸去去不知遠迤邐
遵平岡夤緣越層巘撲面花亂飛雜樹翳葦葦煙鐘出祇
林紅牆半顏損青苔上佛髻龍象亦屯蹇老僧著破衲拾
麥肩荷畚茶煮功德泉廚餘香積飯不解入定功繩牀
睡穩空廊搜古迹片石荒榛偃摩挲玩唐碣武德字未剝
一篇所疾疏愛惜重玉琬始知兒女情英雄亦繾綣金石
抱痼癖後車載難捆塵土洗剔淨翠墨塌幾本夕陽下紫
閣急趁歸鳥返

寺有唐神堯爲太
宗所疾疏小碣

圭峯

青山非不佳遮月不許上幽光遲到眼情思增煩憊須臾
半珪影飛越栖嶂岵涼波激天風攪撼松濤響草根嘍蜚

蠻林角遁魍魎流輝入草堂人意得秋爽人經古月照月
佇今人賞今古圭峯月看月人先往嘉樹依孤亭摩挲思
范丈

子午闕

蜀道遙通一線闕萬重雲樹萬重山子規言語分明甚相
勸行人及早還

與蘭泉竹嶼友竹冬友夜話

蘭譜同心友天涯賸幾人清懼餘翰墨雄辨動星辰五字
黃初格千秋青史身相期敦古處肝膽見輪囷

納涼有感二首

玉笙金琖愛留髡奈我聞歌欲斷魂愁殺長安陰雨夕啾

啾新鬼哭煩冤

銀河西走月初斜
隔院宵深笑語譁
斗大子亭安竹榻
夢殘懶看合昏花

鬼車行

碧窻雙梧葉報秋
鐙昏月晦雨不休
虛廊無人天宇幽
雲邊鬼語聲咿啞
烏耶鬼耶迹不伴
烏能與鬼相綢繆
厥狀蠶蜺雄虺儔
肉身團翼出九頭
頭頭有口鮮血流
血光煽焰馳火蚪
焚巢頃刻成墟邱
金烏麗天弗敢仇
遁匿荒島潛沙洲
更闌冷風刺人眸
蒸陰毒霧慘不收
狂飈鼓翅如飛輶
游魂野哭悲瞽瞍
爲鬼雄鬼所求載
鬼一車與鬼謀御
風浩蕩鴻都游羣
狗齧鯁吠道周兒
童掩耳走上樓

書隱夜覲鸞鳳雛妖鳥亭育同臬鵠新涼襲人下羅幃支
枕傾聽中煎憂崆峒山西直蘭州羽書宵馳吏置郵潢池
掉弄肆躪蹂災區焚劫到鵠鳩黃河兩岸多枯體天兵雲
集森戟矛指揮上將皆公侯巨礮轟天矢發彊賊營阻隔
只一溝魚游釜底兔入罟霹靂一震殲厥曾銀鐙檻車枯
衆囚一洗故鬼沙場愁

後觀棋絕句四首

縱橫布勢陣圖工思入風雲絕又通今古龍爭螭戰局紛
更總在一枰中

夜雨秋燈悄掩關忙中日月費偷閒終年仰臥看空局妙
悟終須讓象山

難操勝筭枉勞神豈是中郎坐隱倫我本旁觀袖手客到
來偏作局中人

小閣疎簾花影移忘憂憂轉覺難支筭來一著闔全局鄭
重開匳落子時

送友竹南歸鄧尉山二首

已恨相逢晚難爲三宿留夢回香海雪襟帶嶽蓮秋禿筆
揮青嶂淒鐙照白頭煙波無限闊獨泛五湖舟
翰墨雄三絕萍蓬各一方榻縣思孟玉衫製識成芳老伴
梅花宿閒知鶴夢長結鄰青崦約爲我買雲莊

寫墨菊一叢寄壽曉初林丈七十初度並題卷端
滿紙秋容淡墨斜瓦盆旁有竹籬遮一卮酌爾延齡酒霜

鬢人應愛此花

垂老空囊乏半錢
歸來彭澤少園田
須知花淡交逾淡
頭白如新已卅年

無錫門人楊揆編校

靈巖山人詩集卷三十二